

0 10 20 30 40 50 60 70 80 90 100 110 120 130 140 150 160 170 180 1

Inches
Centimetres
1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31

傳 684.49
862

Kodak Color Control Patches

#420.532

0330

67789

先仲兄少司寇公年譜

法良謹案家譜瓜爾佳氏隸滿洲正紅旗 族祖信勇

公諱費英東公從 龍遼瀋以戰功世襲公爵 本生

始祖尼雅濟布公從入關康熙中從征留駐防西安府

再傳至 先叔祖吳勤毅公官總督始遵例移京旂

先曾祖考額公諱思圖 誥贈光祿大夫

曾祖妣覺羅氏 誥封一品夫人

生曾祖妣劉氏 誥封一品夫人

先祖考塞公諱得立 誥贈光祿大夫

祖妣輝和氏 誥封一品夫人

先考諱玉德字達齋號他山由考試內閣中書累官閩浙

總督

冊 1 號 21798

斌定耕少司寇公年表

誥授光祿大夫

先妣韓佳氏

誥封一品夫人

繼妣郭洛羅氏

誥封一品夫人

先光祿公子六人長兄諱俊良十九歲而殤係韓佳太

夫人出

先仲兄諱斌良行二又行八字備卿又字笠耕三兄桂

良又行九字燕山由禮部員外郎歷官雲貴兩廣浙閩

總督現官正白旗漢軍都統俱郭洛羅氏太夫人出

四兄諱岳良又行十字崧亭由理藩院員外郎官江

西布政使護巡撫事烏什辦事大臣五兄諱徵良字

松垞由大理寺司務官江蘇常州通判俱庶母張太

夫人出法良由戶部郎中前江西督糧道現任江南河

庫道生妣張太夫人出

乾隆四十九年甲辰公一歲

是年閏三月二十九日笠耕公生於京師內城細瓦廠

故宅時光祿公由濟東道降官刑部郎中

五十年乙巳二歲

八月公弟桂良生

五十一年丙午三歲

光祿公擢山東按察使公隨任五月公弟岳良生

五十二年丁未四歲

光祿公調安徽按察使公隨任

五十三年戊申五歲

五十四年己酉六歲

公就傳從揚州程蘊齋師維善六月 光祿公升安徽

布政使十月擢刑部右侍郎公隨京

五十五年庚戌七歲

光祿公奉

命赴湖北查辦案件

五十六年辛亥八歲

光祿公奉

命赴奉天各處查辦控案 五月公弟徵良生

五十七年壬子九歲

光祿公轉左侍郎兼副都統充

經筵講官奉

命赴直隸江西浙江查辦事件

五十八年癸丑十歲

五十九年甲寅十一歲

六十年乙卯十二歲

正月 光祿公授山東巡撫

賞戴花翎公隨任 十二月 光祿公兼署河東河道總督

嘉慶元年丙辰十三歲

六月 光祿公調浙江巡撫公隨任是年公 恩蔭

品廕生

二年丁巳十四歲

三年戊午十五歲

四年己未十六歲

公年十六詩已有成人風編詩自是年春日幽居始烏

程鄭夢白祖琛與公同庚時為名諸生幕友江墨君德

地之壻以詩來謁執贄為弟子鄭公甲子乙丑連捷進

士由江西知縣現官廣西巡撫是夏公有和家大

人紫陽洞避暑詩十月光祿公署閩浙總督

五年庚申十七歲

正月光祿公授閩浙總督春三月公侍郭洛羅

太夫人還京有三十五郵亭詩八月娶夫人覺羅氏

雲貴總督琅玕公女十一月公弟法良生

六月辛酉十八歲

自己未至辛酉編南行北歸集是年正月光祿公

署福州將軍

七年壬戌十九歲

公以廢生引

見授主事分太僕寺行走通籍自茲始編司馭觀政集有自嘲

詩

八年癸亥二十歲

九年甲子二十一歲

秋應鄉試同考官游彤光編修光閱薦未售

十年乙丑二十二歲

五月補授太僕寺主事充

實錄館纂修官十月捐升員外郎

十一年丙寅二十三歲

七月補授盛京兵部員外郎經

實錄館奏留以在京各部院員外郎即補夏光祿公請告

回旂旋以海疆不靖被議落職 冬遣戍伊犁崧亭兄
隨往

十二年丁卯二十四歲

五月選授戶部浙江司員外郎 秋隨 成親王曹儷
笙尙書恭送

實錄至盛京有左民使藩集 十月 光祿公賞給三等侍衛
授烏什辦事大臣 是年正月長子延福生側室鄭宜
人出

十三年戊辰二十五歲

四月 光祿公因病
恩准回旂調理 公迎侍于陝西道中十二月出京 是年有
望雲陟岵集 光祿公於十二月卒於甘肅之涼州府

十四年己巳二十六歲

正月 公經豫州旅次書懷有八齊全韻詩行至陝界
與燕山仲兄崧亭叔兄同扶 光祿公柩于三月至京
冬十月葬 光祿公暨元配韓佳夫人於長鄉縣之
臥龍岡

十五年庚午二十七歲

百日服除仍官戶部

十六年辛未二十八歲

春服闋 五月補授戶部雲南司郎中 七月長女生
後適原任尙書昇勤直公子辛丑進士兵部員外郎寶
珣

十七年壬申二十九歲

是年兼本旂公中佐領 掌陝西山東福建等司印鑰
管理飯銀處捐納房督催所八旂俸餉處

十八年癸酉三十歲

九月滑縣教匪李文成爲亂十月公隨大學士托公津
開州軍營防堵辦理文案事件十二月滑匪平

賞戴花翎 是年三月覺羅夫人卒 十月側室鄭宜人卒

十九年甲戌三十一歲

五月隨同大學士托相國通州查辦事件 十月奉

旨前往山東隨同大學士章煦查辦事件是年 京察一等奉
旨記名以道府用

二十年乙亥三十二歲

二月授山東兗沂曹濟道 三月之任

二十一年丙子三十三歲

四月續娶博爾濟吉特夫人爲文秋潭相國姪孫女筆
帖式訥公女 冬山東陳笠帆預撫部以公不諳河務

請改歸地方道員奉

旨改調江南候補道

二十二年丁丑三十四歲

正月至濟甯回兗勘菑陰平有詩有至濟南留別詩自
甲戌冬至是春爲齊魯按部集 三月南下夏至江南

至蘇復至白門七月補授蘇松常鎮太督糧道八月之
蘇之常熟履任 自是秋以後有句吳轉漕集九卷

二十三年戊寅三十五歲

四月督運北上六月抵京十一月回吳

二十四年己卯三十六歲

閏四月督運北上六月抵京十一月回吳

二十五年庚辰三十七歲

三月督運北上五月抵京公以三運任滿引

見又以到壩較早倉場總督那文毅公以速漕利運保奏

旨交部議敘七月奉

旨升授陝西按察使十八日出京八月抵陝九月調補河南按

察使十月之任 是秋七月

仁宗睿皇帝晏駕公秦中留別詩有馬首東馳行未到 龍髯

北狩慟難攀雲霄 黼展頒 新綽冰雪關河鍊舊顏

之句

道光元年辛巳三十八歲

公爲撫部所劾十月奉

旨著來京以四品京堂候補 是年延福 恩膺七品官引

見以光祿寺典簿用

二年壬午三十九歲

三月補授太僕寺少卿 十月次女生後適一等侯散

秩大臣瑚圖禮

三年癸未四十歲

五月次子慶福生爲傅孺人出 九月隨扈 西陵圍

差奉

旨充管道大臣

四年甲申四十一歲

四月奉

命赴察哈爾那林果爾查驗馬匹廿五日起程五月至其地編
開平考收集音圖寫望有立馬高吟神更玉二千載內
第三人之句蓋地卽商都遺址唐宋以來詩人所未到
惟元遺山薩天錫采諸風詩耳六月初七日還京復

命七月初奉

命青海致祭湛巴拉多羅貝勒九月七日致祭札木巴拉多爾
濟貝勒禮成編青海紀行集有擁劍傳杯雙闔鎮帶刀
行炙十名王之句十一月還京復

命十月三子崇福生傅孺人出

五年乙酉四十二歲

二月奉

命偕兵部尙書松公筠熱河都統那公清安三座塔查辦事件

四月東土默特讞案畢還京編灤河子役集 九月三

女生後適軍機章京吏部筆帖式文琇

六年丙戌四十三歲

七月

賞給頭等侍衛

命馳駟前往哈什噶爾軍營辦事先是理藩院書吏包安秦安
和來見據抄錄檔案逆裔張格爾之叔阿布都哈禮在
京潛住恐有勾結情事公匆匆就道未及具奏行抵保
定繕摺交直隸總督那文毅公轉奏甘肅道中奉

旨撤回十月抵京以陳奏遲延不合被議奉

旨以六部郎中降補編西征解發集有紀事詩十二首 四月

博爾濟吉特夫人卒

七年丁亥四十四歲

三月選補刑部廣西司郎中

八年戊子四十五歲

十一月四子錫福生傅孺人出

九年己丑四十六歲

正月兼攝內務府六庫郎中

十年庚寅四十七歲

充刑部律例館提調官 七月偕松湘浦尙書赴綏遠

城讞案八月至其地烏拉特部舊屬三公管理先是札

薩克中公車楞旺楚克多爾濟重斂苛虐其下經協理

台吉圖斯拉克齊車楞敦多克密都布約七十餘人聯

名訐告正盟長西公巴圖鄂齊爾副盟長東公拉特那

巴拉積不能容旋奏削中公札薩克印正盟長交理藩院議其印改派副盟長拉特那巴拉代治之 九月事畢胡家屯道中奉

旨隨赴山西讞案十一月并門勘事畢十二月還京 八月長

孫萬泰生延福是春徧游近畿諸勝有咳餘近游集

秋冬有輜車振遠集雁門迴轡集

十一年辛卯四十八歲

是冬暢游西山有戒臺古松歌諸作 十二月 郭洛

羅太夫人卒

十二年壬辰四十九歲

居憂守制于天王寺 百日孝滿仍任刑部郎中

十三年癸巳五十歲

十一月葬 太夫人于良鄉祔 光祿公之塋

十四年甲午五十一歲

三月服除

十五年乙未五十二歲

掌山東江西山西廣西等司印鑰

十六年丙申五十三歲

二月補授內閣侍讀學士

十七年丁酉五十四歲

二月奉

命偕安上公至土爾扈特

賜奠多羅札薩克郡王三達克多爾濟初六日出京 六月五

子岱福生傅孺人出

十八年戊戌五十五歲

正月過烏里雅蘇臺 二月初九日致祭禮成 是月

土爾扈特回車 三月沙拉哈達道中得

旨升太僕寺卿四月初三日還京復 命

十九年己亥五十六歲

四月奉

旨察哈爾八旗查驗馬羣 五月下旬事畢還京有牧政再宣

集 七月侍姬蓉娘宋氏卒悼之有詩

二十年庚子五十七歲

五月次子慶福入庠 延福以光祿寺典簿艱得缺

奏改筆帖式

二十一年辛丑五十八歲

十一月四女生

二十二年壬寅五十九歲

四月奉

旨赴察哈爾均齊馬羣六月初還京有三使均齊集 十二月

補授通政使司通政使 四月三子崇福入庠

二十三年癸卯六十歲

七月補授都察院左副都御史 閏七月補授盛京刑

部侍郎八月抵瀋陽任 九月奉

旨赴吉林審辦德吳氏西高氏京控三十三款之案十月抵吉

林十一月赴雙城堡履勘官田清釐倚勢佔响抗租將
所控之員弁旗民等分別定擬治罪又奏言京旂苦累
設法拯救蓋雙城堡在萬荒之中糧不能遠售而價賤

所得三十响熟田糧十五石僅售京錢七千五百即數
口之家亦無以為一歲之資請

旨以現年租項八千餘串內

飭下吉林將軍以六千串為六百戶旗丁之生計復以三屯公
所閑荒八千餘响丈量畝數分給各戶務使地無餘利
人有餘財以副 惠養駐丁之至意有雙城均賦集

十二月還瀋陽

二十四年甲辰六十一歲

二月奉

旨調任京刑部侍郎 三月起程遊醫巫閭山有詩 四月初

四日還京 先光祿公亦任少司寇公編有雲亭膏構

集 是年偕岫貝子考試 盛京宗室 次子慶福以

筆帖式分理藩院行走

二十五年乙巳六十二歲

四月兼管廂紅旗漢軍副都統 八月閱六旗大陣閱

廂紅滿洲蒙古漢軍三旗六營大操 九月仰山窪八

旗大閱 三子崇福以筆帖式分兵部行走 十月次

孫長泰生

崇福出

二十六年丙午六十三歲

三月扈

蹕謁

陵奉

旨充管道大臣 十二月以副都統原官授駐藏大臣 是年

四月延福陞授光祿寺署正

二十七年丁未六十四歲

正月八日

陛辭

上諭以脩好達賴喇嘛循俗藉撫番衆並隨時訓練兵丁慎重

邊防各事宜 二十八日出京次子慶福隨行 三月

六日登華有詩 四月十五日到成都 五月初一到

鑪定橋 六月到乍了奉

旨審乍了二喇嘛互爭一案 七月十六日抵前藏編藏衛奉

使集五卷有公然一萬三千里默佑平安佛力宏之句

是時公甫抵藏已不服水土得疾故廢吟咏蓋絕筆於

是矣 先是額魯特弁兵不法屢侵占唐古特民人復

抗調不赴沃欲營盤操演經掌辦商上事務阿齊圖諾

們罕率同僧俗稟請攻勦公抵藏奏言不法者無多無
出巢焚虜重情未便良莠不分遽加攻勦當卽出示曉
諭咸知悔罪遵令惟誅其尤犯法者降巴等六人交噶
布倫投諸遠荒以絕煽惑邪說之根株而邊圉已靖又
唐古特西界推噶爾本營官稟報有披楞所屬庫魯部
落遣人投遞披楞兵目薩海夷稟一件嘆夷欲向西藏
請定界址通商經前任駐藏大臣代營官致書覆去尙
無回音 九月

廷寄至示廣督所奏夷酋情形公奏言披楞邊界距後藏四十
九站八月雪卽封山度該夷今年不能卽至此時安謐
如常如夷信覆到固不敢孟浪從事致啟衅端亦不敢
輕爲然諾轉滋貪念惟有密加偵探相機籌辦以副綏

靖邊陲之意 十一月十九日 卒

法良謹按 公卒後遺摺到京

上嘉悼久之

加恩照都統例賜卹

准入城治喪應得卹典該衙門查例具奏恭頒

御祭文一道 二十八年正月二十八日 公柩自藏起程八

月十六日抵京遵

旨奉安 靈柩于舊第 二十九年延福等卜地于京城東直

門外大興縣單店村四月二十七日與覺羅氏夫人博

爾濟吉特夫人合葬焉并附誌于此

